


廿二史言行略

三十七上

三十七




漢書門	大	九	二	八
類	號	函	架	冊

內閣文庫	漢書	九〇二八	元〇二八
類	冊	架	函

內閣文庫	
番號	漢 9028
冊數	42 ( 37 )
函號	290 141

史鈔九 共四十二



廿二史言行略卷三十七

淺草文庫

長洲過元改輯

治民門

救災

旱



曹褒為河南太守時春夏大旱糧穀湧貴褒到廼省吏并職退

去姦殘澍雨數降其秋大熟百姓給足流冗皆還後漢書曹褒傳

周暢為河南尹永初二年夏旱久禱無應暢因收葬洛城傍客

死骸骨凡萬餘人應時澍雨歲乃豐稔後漢書周嘉傳

戴封遷西華令其年大旱封禱請無獲乃積薪坐其上以自焚



火起而大雨暴至於是遠近歎服後漢書 戴封傳

諒輔仕郡為五官掾時夏大旱太守自出祈禱山川連日而無所降輔乃自暴庭中慷慨呪曰輔為股肱不能進諫納忠薦賢退惡和調陰陽承順天意至令天地否隔萬物焦苦百姓喁喁無所訴告咎盡在輔今郡太守改服責已為民祈福精誠懇到未有感徹輔今敢自祈請若至中不雨乞以身塞無狀於是積薪柴聚菱茅以自環構火其傍將自焚焉未及日中時而天雲晦合須臾澍雨一郡沾潤世以此稱其志誠後漢書 諒輔傳


梁宗室秀遷荊州刺史加都督荊州嘗苦旱咸欲徙市開渠秀

乃責躬親祈楚望俄而甘雨即降遂獲有年南史安成 康王秀傳

梁宗室憺為都督荊州刺史加安西將軍荊州大旱憺使祠于天井有巨蛇長二丈出遶祠壇俄而注雨歲大豐南史始興 忠武王憺傳

于翼建德二年出為安州總管時大旱涇水絕流舊俗每逢亢旱禱白兆山祈雨帝先禁羣祀山廟已除翼遣主簿祭之即日澍雨歲遂有年百姓感之聚會歌舞頌之北史于 栗碑傳

賀蘭祥除都督荊州刺史時盛夏亢陽祥親巡境內觀政得失見有發掘古墓暴露骸骨乃謂守令曰此豈仁者為政邪命所在收葬之即日澍雨是歲大有年北史賀 蘭祥傳



達奚武遷太保出為同州刺史在同州時旱武帝敕武祀華岳岳廟舊在山下常所祈禱武謂僚屬曰吾備位三公不能燮理陰陽不可同於眾人在常祀所必須登峰展誠尋其聖奧岳既高峻人迹罕通武年逾六十唯將數人攀藤而上於是稽首祈請晚不得還即於岳上藉草而宿夢一白衣來執武手曰快辛苦甚相嘉尚武遂驚覺益用祇肅至旦雲霧四起俄而澍雨遠近霑洽武帝聞之璽書勞武賜綵百匹北史達奚武傳裴寬為蒲州刺史州久旱寬入境輒雨新唐書裴寬傳馬璘檢校工部尚書北庭行營節度使天大旱里巷為土龍聚巫以禱璘曰旱由政不修即命撤之明日雨是歲大穰

新唐書馬璘傳

李栖筠為常州刺史歲仍旱編人死徙踵路栖筠為浚渠廝江

流灌田遂大稔新唐書李栖筠傳

孔戢授右散騎常侍京兆尹歲旱文宗憂甚戢躬祠曲江池一

夕大澍帝悅詔兼御史大夫新唐書孔巢父傳

田仁會為平州刺史歲旱自暴以祈而雨大至穀遂登人歌曰

父母育我兮田使君挺精誠兮上天聞中田致雨兮山出雲

倉廩實兮禮義申願君常在今不患貧新唐書田仁會傳

宗室彥櫛尉樂清會大旱令循故事禱雨而責租益急彥櫛曰

損斂已責所以招和氣何禱為已而果雨宋史彥櫛傳

吳元辰知定州屬歲旱吏白召巫以土龍請雨元辰曰巫本妖民龍止獸也安能格天惟精誠可以動天乃集道人設壇潔

齋三日百拜祈禱澍雨沾洽宋史吳廷祚傳

郭贄遷祕書少監知荆南府府俗尚淫祀屬久旱盛陳禱雨之

具贄始至命悉撤去投之江不數日大雨宋史郭贄傳

魏不知襄州境內久旱不以誠禱之二夕雨霑足宋史魏不傳

張士遜遷射洪令改知邵武縣前治射洪以旱禱雨白崖山陸

史君祠尋大雨士遜立廷中須雨足乃去至是邵武旱禱歐

陽太守廟廟去城過一舍士遜徹蓋雨霑足始歸宋史張士遜傳

劉敞知鄆州先是久旱地多蝗敞至而雨蝗出境宋史劉敞傳

孫洙知海州旱蝗為害致禱於胸山徹奠大雨蝗赴海死宋史孫洙傳

杜常知河陽軍苦旱及境而雨宋史杜常傳

汪應辰進士第一人授鎮東軍簽判初任趙鼎為帥歲小旱命

應辰禱雨名山即應越人語之曰此相公雨鼎曰不然乃狀

元雨也宋史汪應辰傳

王十朋知饒州饒久旱入境雨至宋史王十朋傳

柴中行遷西京轉運使兼提點刑獄天方旱盡捐酒稅斥征官

黥務吏甘澍隨至宋史柴中行傳

趙方知隨州旱蝗相仍方親走四郊以禱一夕大雨蝗盡死歲

大熟 宋史趙方傳

張運知達州方大旱入境而雨 宋史張運傳

汪綱知婺州改提點浙東刑獄禱雨龍瑞宮有物蜿蜒朱色盤

旋壇上者三日綱曰吾欲雨而已毋為異以惑眾言未竟雷

雨大至歲以大熟 宋史汪綱傳

黃榦如安慶府是歲大旱榦祈輒雨或未出晨興登郡閣望濬

山再拜雨即至 宋史黃榦傳

陸九淵知荆門軍每旱禱即雨禱雪明日雪 宋史陸九淵傳

郭永知大谷縣縣有潭出雲雨歲旱巫乘此譁民永杖巫暴日

中雨立至縣人刻石紀其異 宋史郭永傳

楊佖為武定軍節度使境內亢旱苗稼將槁視事之夕雨澤霑

足百姓歌曰何以蘇我上天降雨誰其撫我楊公為主 遼史楊佖傳

蕭文知易州兼西南面安撫使時大旱百姓憂甚文禱之輒雨

遼史蕭文傳

宗道知京兆府事時夏旱俾長安令取太白湫水步迎於遠郊

及城而雨是歲大稔人以為精意所感刊石紀之 金史宗道傳

移刺溫移鎮武定歲旱且蝗溫割指以血瀝酒中禱而醉之既

而雨霑足有羣鴉啄蝗且盡由是歲熟 金史移刺溫傳

完顏合達遷元帥左監軍授山東西路吾改必刺世襲謀克參

知政事行省事於京兆陝西旱合達齋戒請雨雨澍是歲大

稔民立石頌德金史完顏合達傳

余闕守安慶陞同知副元帥秋大旱為文祈灤山神三日雨歲

以不饑元史余闕傳

張德輝遷東平路宣慰使春旱禱泰山而雨元史張德輝傳

陳思濟加少中大夫同知浙東道宣慰司事浙東旱禱于名山

雨大澍元史陳思濟傳

許辰除陝西行中書省右丞旱禱于終南山而雨歲以大熟元史

許國禎傳

王伯勝陞榮祿大夫拜遼陽等處行中書省平章政事歲大旱

伯勝齋戒以禱禱畢即雨人謂之平章雨元史王伯勝傳

尚文守輝州時河朔大旱輝獨以禱得雨境內大稔元史尚文傳

暢師文除太平路總管時大旱師文捐俸致禱不數日澍雨大

降遂為豐年當塗人坐殺牛祈雨囚繫者六十餘人師文憫

而出之元史暢師文傳

張炤進階奉訓大夫知兖州事時州境亢旱吏民懇禱不雨炤

始至甘雨露足元史張炤傳

張養浩天歷二年關中大旱拜陝西行臺中丞道經華山禱雨

于嶽祠泣拜不能起天忽陰翳一雨二日及到官復禱于社

壇大雨如注水三尺乃止禾黍自生元史張養浩傳

呂思誠改景州蓆縣尹天旱道士持青蛇曰盧師谷小青謂龍也禱之卽雨思誠以其惑人殺蛇逐道士雨亦隨至遂有年

元史呂

思誠傳

董搏霄辟陝西行臺掾時天大旱從侍御史郭貞獻獄華陰縣有李謀兒累殺商賈于道爲賊十五年至百餘事事覺獄已具賄賂有司謂徒黨未盡獲五年不決人皆以爲憤搏霄知之以言于貞卽以尸諸市中天乃大雨

元史董搏霄傳

宇文公諒授同知餘姚州事夏不雨公諒出禱輒應歲以有年民頌之以爲別駕雨

元史宇文公諒傳

許維楨爲淮安總管府判官境內旱蝗維楨禱而雨蝗亦息是

年冬無雪父老言于維楨曰冬無雪民多疾奈何維楨曰吾

當爲爾禱已而雪深三尺

元史許維楨傳

田滋拜陝西行省參知政事時陝西不雨三年道過西嶽因禱

曰滋奉命來參省事而安西不雨者三年民饑而死願神降

甘澤以福黎庶到官果大雨

元史田滋傳

林興祖爲道州路總管春旱蟲食麥苗興祖爲文禱之大雨三

日蟲死而麥稔

元史林興祖傳

劉秉直爲衛輝路總管天不雨禾且槁秉直詣城北太行之蒼

峪神祠具詞祈祝有青蛇蜿蜒而出觀者異之辭神而還行

及數里雷雨太至

元史劉秉直傳



七十二史言行略 卷三十一  
劉天孚知許州歲大旱天孚禱即雨元史劉天孚傳

蝗

卓茂遷密令時天下大蝗河南二十餘縣皆被其災獨不入密

縣界督郵言之太守不信自出家行見乃服焉後漢書卓茂傳

魯恭拜中牟令建初七年郡國螟傷稼犬牙緣界不入中牟後漢書

書魯恭傳

趙熹遷平原太守青州大蝗侵八平原界輒死行漢書趙熹傳

宋均遷九江太守中元元年山陽楚沛多蝗其飛至九江界者

輒東西散去後漢書宋均傳

戴封遷西華令時汝潁有蝗災獨不入西華界時督郵行縣蝗

忽大至督郵其日即去蝗亦頓除一境竒之後漢書戴封傳

公沙穆遷宏農令縣界有螟蟲食稼百姓惶懼穆乃設壇謝曰

百姓有過罪穆之由請以身禱於是暴雨既霽而螟蟲自銷

百姓稱曰神明後漢書公沙穆傳

梁宗室修徙為梁秦二州刺史在漢中七年移風易俗人號慈

父長史范洪胄有田一頃將秋遇蝗修躬至田所深自咎責

功曹史王廉勸修捕之修曰此由刺史無德所致捕之何補

言卒忽有飛鳥千群蔽日而至瞬息之間食蟲遂盡而去莫

知何鳥適有臺使見之具言於帝璽書勞問手詔曰犬牙不

入無以過也南史鄱陽忠烈王恢傳

羊烈除陽平太守時頻有災蝗大牙不入陽平境敕書褒美焉

北史羊

社傳

李紳遷宣武節度使大旱蝗不入境新唐書李紳傳

宗室德彝判沂州飛蝗入境吏民請坎瘞火焚之德彝曰上天

降災守臣之罪也乃責躬引咎齋戒致禱既而蝗自殫宋史魏王

廷美

傳

宗室希言知臨安仁和縣適大旱蝗集御前蘆塲中亘數里希

言欲去蘆以除害中使沮其策希言驅卒燔之宋史希言傳

司馬旦為鄭縣主簿吏捕蝗因緣搔民旦言蝗民之仇宜聽自

捕輸之官後著為令宋史司馬池傳

趙抃知青州時京東旱蝗青獨多麥蝗來及境遇風退飛盡墮

水死宋史趙抃傳

孫覺調合肥主簿歲旱州課民捕蝗輸之官覺言民方艱食難

督以威若以米易之必盡力是為除害而享利也守悅推其

說下之他縣宋史孫覺傳

葉衡知臨安府於潛縣歲災蝗不入境宋史葉衡傳

常楙知平江飛蝗幾及境疾風飄入太湖宋史常楙傳

徐鹿卿為江東轉運判官兼領太平暫提舉茶鹽事江東諸郡

飛蝗蔽天入當塗境鹿卿露香默禱忽飄風大起蝗悉度淮

宋史徐鹿卿傳

蕭文知易州兼西南面安撫使屬縣蝗議捕除之文曰蝗天災捕之何益但反躬自責蝗盡飛去遺者亦不食苗散在草莽

為烏鵲所食

遼史蕭文傳

宗寧擢歸德軍節度使時方旱蝗入寧督民捕之得死蝗一斗

給粟一斗數日捕絕

金史宗寧傳

趙鑑知寧海軍秋禾方熟子方蟲生鑑出城行視蟲乃自死

金史

趙鑑傳

女奚烈守愚為臨沂令蝗起莒密間獨不入臨沂境

金史女奚烈守愚傳

塔海歷和寧路總管改汴梁後改任廬州時有飛蝗北來民患

之塔海禱于天蝗乃引去亦有墮水死者

元史鐵邁赤傳

王磐為真定順德等路宣慰使蝗起真定朝廷遣使者督捕役

夫四萬人以為不足欲牒鄰道助之磐曰四萬人多矣何煩

他郡使者怒責磐狀期三日盡捕蝗磐不為動親率役夫走

田間設方法督捕之三日而蝗盡滅使者驚以為神

元史王磐傳

陳祐改南京路治中適東方大蝗徐邳尤甚責捕至急祐部民

丁數萬人至其地謂左右曰捕蝗慮其傷稼也今蝗雖盛而

穀已熟不如令早刈之庶力省而有得或以事涉專擅不可

祐曰救民獲罪亦所甘心即諭之使散去兩州之民皆賴焉

元史陳祐傳

觀音奴知歸德府亳州有蝗食民禾觀音奴以事至亳民以蝗

十一身言行略卷三十一  
訴立取蝗向天祝之以水研碎而飲是歲蝗不為災元史觀音奴傳

劉秉直為衛輝路總管虫螟生民患之秉直禱于八蜡祠虫皆

自死元史劉秉直傳

劉天孚知許州野有蝗天孚令民出捕俄羣鳥來啄蝗為盡明

年麥熟時有青蟲如蠶食麥人無可奈何忽生大華蟲盡嚼

之元史劉天孚傳

水

王尊遷東郡太守河水盛溢泛浸瓠子金隄老弱奔走恐水大

決為害尊躬率吏民投沈白馬祀水神河伯尊親執圭璧使

巫策祝請以身填金隄因止宿廬居隄上吏民數千萬人爭

叩頭救止尊尊終不肯去及水盛隄壞吏民皆奔走唯一主

簿泣在尊旁立不動而水波稍却迴還吏民嘉壯尊之勇節

白馬三老朱英等奏其狀下有司考皆如言於是制詔御史

東郡河水盛長毀壞金隄未決三尺百姓惶恐奔走太守身

當水衝履咫尺之難不避危殆以安衆心吏民復還就作水

不為災朕甚嘉之秩尊中二千石加賜黃金二十斤數歲卒

官吏民紀之漢書王尊傳

劉俊為安遠護軍武陵內史郡南江古堤久廢不緝俊修治未

畢而江水忽至百姓棄役奔走俊親率厲之於是乃立南齊書劉

俊傳

柳慶遠為魏興太守郡遭暴水人欲移於杞城慶遠曰吾聞江河長不過三日命築土而已俄而水退百姓服之南史柳元景傳

梁宗室憺為都督荊州刺史加安西將軍州大水江溢堤壞憺親率將吏冒雨賦丈尺築之而雨甚水壯眾皆恐或請避焉憺曰王尊尚欲身塞河堤我獨何心以免乃登堤歎息終日

輟膳刑白馬祭江神酌酒於流以身為百姓請命言終而水退堤立邠洲在南岸數百家見水長驚走登屋緣樹憺募人救之一口賞一萬估客數十人應募洲人皆以免吏人歎服

咸稱神勇又分遣諸郡遭水死者給棺槥失田者與糧種是歲嘉禾生于州界吏人歸美焉南史始興忠武王憺傳

辛公義遷并州刺史時山東霖雨自陳汝至於滄海皆苦水災境內犬牙獨無所損北史辛公義傳

温造赴鎮漢中遇大雨平地水深尺餘乃禱雞翁山祈晴俄而疾風驅雲即時開霽文宗嘗聞其事會造入對言之乃詔封雞翁山為侯舊唐書温造傳

裴耀卿為濟州刺史俄徙宣州前此大水河防壞諸州不敢擅興役耀卿曰非至公也乃躬護作役未訖有詔徙官耀卿懼功不成弗即宣而撫巡飭厲愈急隄成發詔而去濟人為立

碑頌德新唐書裴耀卿傳

馬燧檢校左散騎常侍為三城使河陽秋大雨河溢軍吏請具

舟以避燧日使城中盡魚而獨完其家吾不忍既而水不為

害新唐書  
馬燧傳

安彥威拜北京留守徙鎮歸德是時河決滑州命彥威塞之彥

威出私錢募民治隄五代史安  
彥威傳

宗室希言知臨安仁和縣臨平塘隄決希言督役親捧土投石

兵民爭奮堤成因築重隄後不復決宋史希  
言傳

吳元辰知河陽秋霖河溢奔注溝洫城壘將壞元辰躬涉泥淖

督工補塞民多構木樹杪以避水元辰命濟以舟楫設餅餌

以食時澶陝悉罹水災元辰所部賴以獲安宋史吳  
延祚傳

曹翰遷蔡州團練使從征太原為行營都壕砦使班師會河決

澶州令翰董其役翰出銀器助役沉所乘白馬以祭復決陽

武再護役皆有成績宋史曹  
翰傳

辛仲甫拜右補闕知光州州有橫河與城直會霖潦暴疾水溢

潰廬舍仲甫集船數百艘軍資民儲皆賴以濟宋史辛  
仲甫傳

趙昌言知天雄軍大河貫府境豪民峙芻茭圖利誘姦人潛穴

隄防歲仍決溢昌言知之一日隄吏告急命徑取豪家廩積

以給用自是無敢為姦利者澶州河決流入御河漲溢浸府

城昌言籍府兵負土增隄數不及千乃索禁卒佐役皆偃蹇

不進昌言怒曰府城將墊人民且溺汝輩食厚祿欲坐觀耶

敢不從命斬衆股粟赴役不浹旬城完太宗手詔褒諭之宋  
史

趙昌言傳

陳省華知蘇州遇水災省華復流民數千戶殍者悉瘞之宋史陳堯

佐傳

高繼勳知滑州河水暴溢齧堤岸繼勳雖老躬自督役露坐河

上暮夜猶不輟水乃殺怒滑人德之宋史高瓊傳

張觀知澶州河壞孫陳埽及浮梁州人大恐或請趨北原以避

水患觀曰太守獨去如州民何乃躬率卒徒增築之隄完水

亦退宋史張觀傳

馬亮知杭州加集賢院學士先是江濤大溢調兵築堤而工未

就詔問所以捍江之策亮褒詔濤伍員祠下明日潮為之却

出橫沙數里隄遂成宋史馬亮傳

陳希亮知滑州會河溢魚池埽且決希亮悉召河上使者發禁

兵捍之廬於所當決吏民涕泣更諫希亮堅臥不動水亦去

人比之王尊宋史陳希亮傳

寇賊為河北轉運使天禧中河決澶淵城視役河上隄墊數里

眾皆奔潰而城獨留自若須臾水為折去眾頗異之宋史寇

李孝基通判閩州閩中江水齧城幾沒郡吏多引避孝基率其

下決水歸旁谷城賴以全宋史李迪傳

韓綜通判鄧州天雄軍會河溢金堤民依邱塚者數百家綜令

曰能濟一人予千錢民爭操舟楫以救已而邱塚多潰宋史韓億

傳

韓絳知河南府夏大雨伊洛間民被溺者十五六絳發廩振恤

環城築隄數月水復至民賴以免宋史韓絳傳

胡宿為揚子尉縣大水被溺令不能救宿率公私船活數千人

知湖州築石塘百里捍水患民號曰胡公塘宋史胡宿傳

彭思永通判睦州台州大水敗城人多溺往攝治焉盡葬死者

作文祭之民貧不能葺居為伐木以助之數月公私之舍皆

具城築高於前而堅亦如之宋史彭思永傳

劉兼濟為襄州兵馬監押漢江暴漲兼濟解衣涉水率眾捍城

州賴以完宋史劉平傳

孫瑜知蔡州大水緣城隙入瑜使囊沙數千扞其衝城得弗壞

宋史孫瑜傳

杜常知河陽軍大河決直州西上埽勢危甚常親護役徙處埽

上埽潰水溢及常坐而止於是役人盡力河流遂退郡賴以

安宋史杜常傳

謝麟調石首令縣苦江水為患隄不可禦麟壘石障之自是人

得安堵號謝公隄宋史謝麟傳

羅拯提點福建刑獄泉州興化軍水壞廬舍拯請勿征海運竹

木經一年民居皆復其舊宋史羅拯傳

陶弼知邕州邕地卑下水易集夏大雨彌月弼登城以望三邊



皆漫為陂澤亟窒垠江三門諭兵民即高避害俄而水大至  
弼身先版甬召僚吏賦役為土囊千餘置道上下水果從竇入  
隨塞之城雖不壞而人皆乏食則為發廩以振於內方舟以  
饁於外水不及女墻者三板旬有五日乃退公私一無所失

亡 宋史陶弼傳

元絳知台州州大水冒城民廬蕩析絳出庫錢即其處作室數  
千區命人自占與期三歲償費流者皆復業又甃其城因門  
為牖以禦湍漲後人守其法 宋史元絳傳

黃廉為監察御史裏行河決曹村壞田三十萬頃民廬舍三十  
八萬家受詔安撫京東發廩振饑遠不能至者分遣吏移給

擇高地作舍以居民流民過所毋征算轉行者賦糧質私牛  
而與之錢養男女棄於道者丁壯則役其力凡所活二十五


萬 宋史黃廉傳

喬執中改提點京西北路刑獄時河決廣武埽危甚相聚莫敢  
登執中不顧立其上眾隨之如蟻附不日埽成 宋史喬執中傳

王十朋知湖州湖積霖入境即霽 宋史王十朋傳

唐文若通判遂寧府會大水民多漂死文若至城上發庫錢募  
游者振活甚眾又力請于朝除田租二萬一千頃免場務稅  
二十餘所築長堤以捍水勢自是無水患 宋史唐文若傳

張逸知青神縣縣東南有松栢灘夏秋暴漲多覆舟逸禱江神



不踰月灘為徙五里時人異之

宋史張逸傳

杜誼知永城縣歲捐奉錢三十萬以收瘞汴渠之溺死者凡四

十餘

宋史杜誼傳

蕭文知易州兼西南面安撫使會霖雨不止文隨禱而霽

遼史蕭文

傳

移刺温移臨海軍州治近水秋雨水潦暴至城下城頗決百姓

惶駭不知所為温躬督役夫繕完之雖臨不測無所避僚屬

或止温温曰為政疵癘水泛溢為災守臣之罪當以此身為

百姓謝雖死不恨

金史移刺温傳

劉璋擢戶部尚書時河決于衛自衛抵清滄皆被其害詔兼工

部尚書往塞之或以謂天災流行非人力所能禦惟當徙民

以避其衝璋曰不然天生五材遞相休王今河決者土不勝

水也俟秋冬之交水勢稍殺以漸興築庶幾可塞明年春璋

齋戒禱于河功役齊舉河乃復故

金史劉璋傳

余闕守安慶陞同知副元帥夏大雨江漲屯田禾半沒城下水

湧有物吼聲如雷闕祠以少牢水輒縮

元史余闕傳

程思廉遷河北河南道按察副使衛輝懷孟大水思廉臨視賑

貸金活甚眾水及城不沒者數板即修隄防露宿督役水不

為患

元史程思廉傳

火

廉范遷蜀郡太守成都民物豐盛邑宇逼側舊制禁民夜作以防火災而更相隱蔽燒者日屬范廼毀削先令但嚴使儲水而已百姓為便廼歌之曰廉叔度來何暮不禁火民安作平生無襦今五絺後漢書廉范傳

劉昆除江陵令時縣連年火災昆輒向火叩頭多能降雨止風後漢書劉昆傳

徐遠遷東楚州刺史郭邑大火城人亡產業遠躬自赴救對之流涕仍為經營皆得安立北史張亮傳

宋璟徙廣州都督廣人以竹茅茨屋多火璟教之陶瓦築堵列邸肆越俗始知棟梁利而無患災新唐書宋璟傳

王仲舒為婺州刺史徙蘇州變屋瓦絕火災新唐書王仲舒傳

楊於陵為嶺南節度使教民陶瓦易蒲屋以絕火患新唐書楊於陵傳

杜佑遷嶺南節度使佑為開大衢疏析塵閉以息火災新唐書杜佑傳

宗室善俊知鄂州適南市火善俊亟往視事弛竹木稅發粟振民開古溝創火巷以絕後患僚屬爭言用度將不足善俊曰吾將瘠己肥人乃省燕游車騎鼓吹之費郡計用饒代輸民

役錢宋史善俊傳

曹克明知桂州管勾谿峒公事州人覆茅為屋歲多火克明選北軍教以陶瓦又激江水入城以防火災宋史曹光實傳

周湛知襄州襄人不善陶瓦率為竹屋歲久侵據官道簷廡相

通火數為害湛至度其所侵悉毀徹之自是無火患宋史周

魚周詢通判漢州城中夜有火部眾抹之植劍于前曰攘一物

者斬火止民無所失亡宋史魚周詢傳

葉康直知光化縣縣多竹民皆編為屋康直教用陶瓦以寧火

患宋史葉康直傳

鄭興裔知揚州民舊皆茅舍易焚興裔貸之錢命易以瓦自是

火患乃息又奏免其償民甚德之宋史鄭興裔傳

別兒怯不花拜江浙行省左丞相行至淮東聞杭城大火燒官

解民廬幾盡仰天揮涕曰杭浙省所治吾被命出鎮而火如

此是我不德累杭人也疾馳赴鎮即下令錄被災者二萬三

千餘戶戶給鈔一錠焚死者亦如之人給月米二斗幼穉給

其半又請減酒課為錢千二百五十緡織坊減元額之半軍

器漆器權停一年泛稅皆停事聞朝廷從之又大作省治事

居附其旁者增直買其基募民就役則厚其傭直元史別兒怯不花傳

敬儼除浙東道廉訪使郡大火焚數千家儼令發廩以賑貧餒

元史敬儼傳

卜天璋授饒州路總管火延饒之東門天璋具衣冠向火拜勢

遂熄元史卜天璋傳

楊景行授贛州路會昌州判官會昌民不知陶瓦以茅覆屋故

多火災景行教民陶瓦以代茅茨民始免於火災元史楊景行傳

地震

滕元發拜御史中丞知秦州河北地大震命元發為安撫使時城舍多圯吏民懼壓皆幄寢芟舍元發獨處屋下曰屋摧民死吾當以身同之瘞死食饑除田租修隄障察貪殘督盜賊

北道遂安 宋史滕元發傳

鄭制宜授大都留守領少府監兼武衛親軍都指揮使知屯田事晉地大震平陽尤甚壓死者眾制宜承命存恤懼緩不及事晝夜倍道兼行至則親入里巷撫瘡殘給粟帛存者賴之

元史鄭鼎傳

救荒

汲黯為謁者河內失火延燒千餘家上使黯往視之還報曰家人失火屋比延燒不足憂也臣過河南河南貧人傷水旱萬餘家或父子相食臣謹以便宜持節發河南倉粟以振貧民臣請歸節伏矯制之罪上賢而釋之 史記汲黯傳

龔遂為昌邑郎中令事王賀昭帝崩昌邑王賀嗣立以淫亂廢遂髡為城旦宣帝即位久之渤海左右郡歲饑盜賊竝起二千石不能禽制上選能治者丞相御史舉遂可用上以為渤海太守時遂年七十餘召見形貌短小宣帝望見不副所聞心內輕焉謂遂曰渤海廢亂朕甚憂之君欲何以息其盜賊以稱朕意遂對曰海瀕遐遠不霑聖化其民困於饑寒而吏

不恤故使陛下赤子盜弄陛下之兵於潢池中耳今欲使臣勝之邪將安之也上聞遂對甚說答曰選用賢良固欲安之也遂曰臣聞治亂民猶治亂繩不可急也唯緩之然後可治臣願丞相御史且無拘臣以文法得一切便宜從事上許焉加賜黃金贈遣乘傳至渤海界郡聞新太守至發兵以迎遂皆遣還移書勅屬縣悉罷逐捕盜賊吏諸持鉏鉤田器者皆爲良民吏無得問持兵者廼爲盜賊遂單車獨行至府郡中翕然盜賊亦皆罷渤海又多劫略相隨聞遂教令卽時解散棄其兵弩而持鉤鉏盜賊於是悉平民安土樂業遂廼開倉廩假貧民選用良吏尉安牧養焉遂見齊俗奢侈好末技不

田作廼躬率以儉約勸民務農桑令口種一樹榆百本籬五十本葱一畦韭家二母彘五雞民有帶持刀劍者使賣劍買牛賣刀買犢曰何爲帶牛佩犢春夏不得不趨田畝秋冬課收斂益畜果實蒺芡勞來循行郡中皆有畜積吏民皆富貴

獄訟止息

漢書龔遂傳

王望遷青州刺史是時州郡災旱百姓窮荒望行部道見饑者裸行草食五百餘人愍然哀之因以便宜出所在布粟給其廩糧爲作褐衣事畢上言帝以望不先表請章示百官詳議其罪時公卿皆以爲望之專命法有常條鍾離意獨曰昔華元子反楚宋之良臣不稟君命擅平二國春秋之義以爲美

談今望懷義忘罪當仁不讓若繩之以法忽其本情將乖聖朝愛育之旨帝嘉意議赦而不罪

後漢書 劉平傳

鐔顯安帝時為豫州刺史時天下饑荒競為盜賊州界收捕且萬餘人顯愍其困窮自陷刑辟輒擅赦之因自劾奏有詔勿

理

後漢書 王渙傳

第五訪遷張掖太守歲饑粟石數千訪乃開倉賑給以救其敝

吏懼譴爭欲上言訪曰若上須報是棄民也太守樂以一身

救百姓遂出穀賦人順帝璽書嘉之由是一郡得全歲餘官

民並豐界無姦盜

後漢書 第五訪傳

黃香遷魏郡太守時被水年饑迺分奉祿及所得賞賜班贍貧

者於是豐富之家各出義穀助官稟貸荒民獲全

後漢書 黃香傳

鄭默為東郡太守值歲荒人饑默輒開倉振給乃舍都亭自表

待罪朝廷嘉默憂國詔書褒歎比之汲黯班告天下若郡縣

有此比者皆聽出給

晉書 鄭表傳

鄧攸元帝時吳郡闕守帝以授攸時郡中大饑攸表振貸未報

乃輒開倉救之臺遣散騎常侍桓彝虞駿慰勞饑人觀聽善

不乃劾攸以擅出穀俄而有詔原之

晉書 鄧攸傳

王蘊補吳興太守屬郡荒人饑輒開倉贍郵主簿執諫請先列

表上待報蘊曰今百姓嗷然路有饑饉若表上須報何以救

將死之命乎專輒之愆罪在太守且行仁義而敗無所恨也

於是大振貸之賴蘊全者十七八焉朝廷以違科免蘊官士

庶詣闕訟之詔特左降晉陵太守

晉書王蘊傳

沈演之除司徒左司掾州治中從事史東諸郡大水民人饑饉

以演之兼散騎常侍巡行拯卹許以便宜從事演之乃開倉

廩以賑饑民民有生子者口賜米一斗刑獄有疑枉悉制遣

之

宋書沈演之傳

王元謨遷平北將軍徐州刺史加都督時北土饑饉乃散私穀

十萬斛牛千頭以振之

宋書王元謨傳

蕭景為使持節都督北兖徐青冀四州諸軍事冠軍將軍南兖

州刺史會年荒計口賑卹為餽粥於路以賑之死者給棺具

人甚賴焉

梁書蕭景傳

張昭為幽州刺史開府加寧東將軍時幽州年穀不登州廩虛

罄民多菜色昭謂民吏曰何我之不德而遇其時乎乃使富

人通濟貧乏車馬之家糴運外境貧弱者勸以農桑歲乃大

熟士女稱頌之

魏書張蒲傳

辛穆轉汝陽太守值水澇民饑上表請輕租賦帝從之遂救汝

陽一郡聽以小絹為調

魏書辛紹先傳

王志為丹陽尹時年饑每日為粥於都門以賦百姓

南史王曇首傳

任昉為義興太守歲荒民散以私奉米豆為粥活三千餘人

南史

任昉傳



李元忠為光州刺史時州境災儉人皆菜色元忠表求賑貸被報聽用萬石元忠以為少遂出十五萬石賑之事訖表陳朝

廷嘉而不責北史李靈傳

楊逸改光州刺史時災儉連歲逸欲以倉粟振給而所司懼罪不敢逸曰國以人為本人以食為命假令以此獲戾吾所甘心遂出粟然後申表右僕射元羅以下謂公儲難闕竝執不許尚書令臨淮王彧以為宜貸二萬詔聽貸二萬逸既出粟之後其老小殘疾不能自存活者又於州門造粥飼之將死而得濟者以萬數帝聞而善之北史楊播傳

張須陀大業中為齊郡贊務會興遼東之役歲饑須陀將開倉

賑給官屬咸曰須持詔敕須陀曰如待報至當委溝壑吾若

以此獲罪死無所恨先開倉而後狀帝嘉而不責北史張須陀傳

閻慶允為東秦州敷城太守頻年饑儉慶允歲常以家粟千石

賑恤貧窮人賴以濟部人陽寶龍一千餘人申頌美政北史閻慶允傳

允傳

李大亮授土門令屬百姓饑荒盜賊侵寇大亮賣所乘馬分給

貧弱勸以墾田歲因大稔躬捕寇盜所擊輒平舊唐書李大亮傳

李臯貶溫州長史攝行州事歲儉州有官粟數十萬斛臯欲行

賑救掾吏叩頭乞候上旨臯曰夫人日不再食當死安暇稟命若殺我一身活數千人命利莫大焉於是開倉盡散之以

擅貸之罪飛章自劾天子聞而嘉之答以優詔就加少府監

舊唐書  
李臯傳

蕭復遷同州刺史歲歉州有京畿觀察使儲粟復輒發以貸人

有司劾治詔削階停刺史或弔之復曰苟利於人胡責之辭

新唐書  
蕭瑀傳

王方翼遷肅州刺史儀鳳間河西蝗獨不至方翼境而它郡民

或餒死皆重繭走方翼治下乃出私錢作水碓簿其贏以濟

饑察構舍數十百楹居之全活甚衆 新唐書王  
方翼傳

王珣授許州長史歲旱珣時假刺史事開廩振民即自劾元宗

赦之 新唐書王  
方翼傳

文化甲子

